

Iberdrolako akziodunei % 12,25eko dibidendua banatuko diete urtero

Iberduerok 30.321 milioi irabazi zituen Hidrolarekin bat egin aurretiko azken ekitaldian

Joan den urtean 30.321 milioi pezeta irabazi zituen Iberduerok eta, diru horretatik, % 12,25eko dibidendua ordainduko die akziodunei. HI Holding-aren eraketari esker, Iberdrolako akziodunek datozen urteotan % 12,25eko dibidendu hori jasotzea bermatuta dutela baieztatu zuen atzo Jose Antonio Garrido kontseilari delegatuak, enpresaren iazko ekitaldiko balantzearen aurkezpenean.

BILBO



Manuel Gomez de Pablosek Iberdrolaren fusioa azaldu zien akziodunei. EFE

proiektua dela eta «inork bultzatu gabe» gertatu dela azpimarratu zuen.

Iberduero eta Hidrola beren negozioan enpresa osagarriak direla eta antzeko egiturak dituztela aipatu zuen Gomez de Pablosek. Bat egin da, «Iberdrola Europako hirugarren enpresa pribatua izango da».

Enpreen fusioa eta holding elektrikoak espainiar Ministeritzarekin sortu duen polemikari garrantzia kendu zion Iberdueroko presiden-

teak. «Garrantzitsua helburuak betetzea da eta ni ziur naiz Ministeritza fusioarekin ados egongo dela». Horretaz, Gomez de Pablosek Lege Marko Egonkorra «errealitateari moldatzea» defenditu zuen, «sektoreak Plan Energetikoaren lerro nagusiak ezagutu behar ditu, luzapen nuklearraren afera konpondu behar da eta Espainiako enpresa elektrikoek Europar konpetitzeko kostu egitura baliagarriaz hornitu behar dute».

✓ Garridoren ustez, HI-ren produkzio eta kostu egitura dela medio, energi krisi batek ez luke eraginik izango

IAZKO EMAITZA BIKAINAK

Iazko urtean Iberduerok lorturiko emaitzak, hala produkzio alo- rrean nola ekonomiari dagokionean, «bikainak» izan direla aapimarratu zuen Gomez de Pablosek eta gutxienez datozen hiru urteotan ere halakoeak izango direla ziurtatu zuen. «Gestioaren optimizazioa, kostuei eustea, finantz egitura saneatua eta zerbitzu kalitate bikaina» dira, haren ustez, emaitza on hauen arrazoiak.

Konpainiaren negozio gordinak % 12,4eko igoera izan zuen, eta sarrera orokorrak 320.644 milioi pezeta-koak izan ziren. Gastuak, berriz, 208.168 milioioak izan ziren. 1990. urtearen bukaeran, Iberduerok 592.000 milioiko baliabideak zituen eta 608.000 besteren baliabidetan.

Iberduerok 19.953 milioi kw/ordu ekoiztu zituen iaz. Hidrolarekin bat egin ostean, Iberdrolak sektoreko enpresek baino % 20 merkeago produzituko duela ziurtatu zuen Garrido. Iberdrolaren produkzio kostua kilowatio/orduko 6,80 pezetakoa izango da, Espainiako beste konpainien batezbesteko 8,50 pezetan aurrean eta EEKko 8 pezetan aurrean.

LABek eta CGTk konpetitibitate paktua gaitzetsi egin dute

DONOSTIA

LAB eta CGT sindikatuak gaitzetsi eta kritikatu egin dute Espainiako gobernuak aurrera eramane nahi duen konpetitibitate plangintza, euskal ekonomia eta langileen interesen aurkakoa delakoan.

LABen ustez, Soltxagaren paktu proposamenak bi akats ditu. Lehenbizikoa «PSOren autoritarismoa eta harrokeria da, beren plangintza kontsentsuatu beharrean inposatu egiten dutelako, dekretu, zerga edo aurrekontuen bidez», dio sindikatu abertzaleak.

Bigarrenik, plangintzaren edukiri dagokionez, LABek enpresari ekoizten die enpresen konpetitibitate eza- ren errua. «Enpresen egoera txarraren aurrean, eskaintzen diguten planaren arabera langileak ordaindu behar ditugu konpetitibitate eza- ren benetako errudunen akatsak, enpresari hain zuzen».

Paktuaz gainera, sindikatu abertzaleak bigarren birmoldaketa ere kritikatu du, «lehenengo birmoldaketaren bertsio zuzendu eta handitua» izango dela esanez. Halaber, gobernuak egin asmo duen greba legearen murrizketa ere salatu du LABek.

Eusko Jaurilaritzak prestatzen duen konkurrentzialtasun plangintza «antzekotzat» jo eta, CEOE patronalaren plan alternatiboaz ere «gobernuaren kopia bat, baina enpresari pribilegioak indartu nahi ditu» baieztatu du.

Azkenik, LABek Gasteiz eta Iruñeko gobernuari eta alderdi zein sindikatu Madrildik eta Bruselako planei aurka egin eta euskal ekonomia gartzatzen ahalegindu daitezela eskatu die.

Zentzu berean, CGT sindikatuak «plan hori soldadak murrizteko ahalegina besterik ez da» adierazi du. Sindikatu honen ustez, Estatuko gobernuak inflazio tasaren errua soldatei ekoizten die.

Enpresari irabaziak gehitzeak ez duela lanposturik sortuko ziurtatzen du CGTk.

Eroski Taldeak 119.274 milioi pezetako salmentak izan zituen iaz


ELORRIO

Eroski Taldeak 119.274 milioi pezetako (6.626,33 milioi libera) salmentak egin zituen 1990. urtean, enpresako iturriek adierazten emane zuten. Salmenta hauetatik, 73.860 milioi pezetako (4.103,33 milioi libera) Eroski Kooperatibari dagozkio, eta % 23ko hazkunde suposatzen dute, aurreko urteko emaitzekin alderatuz.

Eroski euskal kooperatibak iaz egin zituen inbertsioen diru kopua 10.202 milioi pezetakoa (566,77 milioi libera) izan zen. Inbertsio hauen bitartez 579 lanpostu berri sortu dira Euskal Herrian, 2.488 lan bazkidek hazi dituz.

Momentu hauetan Eroski Kooperatibak 3 'Hiper-Eroski', 7 'Maxi-Eroski', 80 'Super-Eroski', 208 'Erosle', 2 'Cash-Eroski', 12 erropa eta elektragailu denda eta 16 bidaia agentzia barneratu ditu.

Horrez gain, Eroskik iazko ekitaldian izan duen cash flow-a



Eroskiren supermerkatu bat.

(irabaziak gehi amortizazioa) 2.580 milioi pezetakoa (143,33 milioi libera) izan da. Aurreko urtekoarekin alderatuz gero, honek % 18ko hazkudea suposatzen du.

CIMV kanpoko faktoreen eragina leuntzeko ekimenak egin zituen iaz

BILBO

Bizkaiko patronalaren elkartearen 'Centro Industrial y Mercantil' (CIMV) delakoak, 1990eko memoria aurkeztu berriaz azpimarratzen duenez, iaz eman ziren ekonomiaren kalterako kanpoko faktoreen aurkako neurriak hartzea zuzendu zituen bere ekimenak.

Horrela, Bizkaiko Diputazioaren elkarlanean Balantzearen eguneratzeko foru araua egin zuen CIMV iaz, eta aurtengo Diputazioaren aurrekontuetan kaleratu dira. Madrileko Gobernuak arauari egin dion errekursoari buruz, «bai Diputazioak eta bai Jaurilaritzak egiten ari diren defentsari esker, laster arau hau indarrean izango dugulakoan nago» adierazi zuen Angel Garai Bizkaiko patronalaren lehendakariak.

Bizkaian lur industrialaren falta nabaria izanik, CIMV ikerketa egin zuen eskaerak eta industriaren hedapen plangintzetan lurra daukan garrantzia aztertuz. Ondorioz, iazko irailean Bizkaik lur erakundea eratu zuten Bizkaiko Diputazioak eta BBK-k, CIMVen aholkularitzapean. Lanbide Heziketaren arloan, en-

presari elkarteak programa bereziak antolatu zituen aurretik egindako ikerketa batzuen arabera. Ikerketa hauetan Bizkaiko sare industrialaren sektore ezberdinen beharren azterketa egiten zen, ikasketetara zuzentzeko. Antzeko ikerketak enpresari egiturak osatzeko erabili dira. Garaien esanetan, «egitura hauen bitartez, Bizkaiko produktuen konkurrentzialtasuna lortu nahi da nazioarteko merkatuetan».



UNIVERSIDAD PUBLICA DE NAVARRA
NAFARROAKO UNIBERTSITATE PUBLIKOA

91/92 IKASTURTERAKO AURREINSKRIPZIOA

Oroitarazten da aurreinskrizioarako eskaerak Nafarroako Unibertsitate Publikoaren Ikasle Atalean (Sartze Bulegoa), aurkeztuko direla, Ikasgela Eraikinaren Beheko Solairuan (Arrosadia Kampusa), Ekainaren 24etik Uztailaren 12ra bitarte, biak barne.

Nafarroako Foru Komunitateko Ikastetxean ikasturte honetan U.B.I.n Matrikulatutako ikasleek ez dute aurreinskrizioa eginen. Halaber, aipatu epearen barrenean, lekualdatze eskaerak eginen dira.